

國朝耆獻類徵初編卷四百二十五目錄

文藝三

黃祖顥

王崇節

金門揖

彭嵩年
劉宏遇

劉宏勳

蔡眉人

陳去華

廖志灝
吳伯肇

羅作祈

程功

王國楨

華長發
秦沅

魏際瑞

魏禧

魏禮

禮子世倣
曾燦

世儼
馬澗

黃瑚

侯麟勳

國朝耆獻類徵初編卷四百二十五

通奉大夫前署江西巡撫江西布政使司布政使湘陰李桓輯
文藝三

黃祖顥

順治十年春隱湖毛子晉招虞婁諸名士爲文會諸生中有顥而
髯者予閱其文甚奇酒閒知爲黃子顥傳遂定交又三年顥傳授
經沙溪與里中諸子抵掌論文予以爲吾黨中速售者宜莫如顥
傳而竟不得志以死死後十餘年予乃執筆而志其墓嗚呼悲夫
顥傳名遷改名祖顥先世大興人曾祖某卜居太倉祖某父某皆
不仕顥傳少時讀書一目數行有聖童之目時桴亭確庵倡道東

南愛頊傳才招致門下頊傳以其閒覽河渠食貨之書通毛鄭京
何之學爲文汪洋浩瀦不名一家西山張公視江南學政拔頊傳
第一手其卷謂諸生曰此子今歲不發解吾不相士矣旣而頊傳
試鎖院不遇而適有奏銷之事先是頊傳居太倉而諸生之籍隸
長洲有富而狡者借其名以避役頊傳不知也及歲試竟以新例
見斥頊傳訟於有司有司漫不省則走之浙應童子試學使者金
公賞其文亦寘第一有忌者毆諸途頊傳匿絮中以免時頊傳年
四十遇无妄之災益憤懣不自得乃附舟入都學士宋公祭酒徐
公交口譽之得入太學康熙十一年壬子秋闈頊傳方患痢匍匐
入試一日夜暴下數十次同試者閱其卷文義燦然字畫遒勁不

知其病且憊也既出闈臥王顓庵編修寓中病已不支至二十二日而絕或言闈中諸公素重項傳欲取冠本房久之知項傳病且死乃易他卷嗟乎使項傳少遲數日之死而得一舉未必死卽死猶幸身親見之也秋榜夕以發項傳朝以死彼蒼者天并其一日之虛名亦靳之嗚呼可哀也已項傳娶沈氏生一子年僅數歲以某年月卜葬於某阡銘曰
孰使子才孰使子窮又孰使子年之不豐彼蒼者天曷其夢夢我作銘詞以慰其終

右墓誌銘黃侃撰

王崇節

王筠侶名崇節宛平人大宗伯敬哉公母弟工繪事不屑屑師古所畫山水樓觀人物草木蟲魚蕭遠閒曠閒出古人之上人爭貴之性任誕不羈非其所悅雖權貴人迫之不輕作筠侶生五歲而孤多疾病習懶慢不喜爲章句學學擊劍走馬舉武科爲興州衛千總久之不樂棄去放浪家居益肆力爲畫宗伯公素友愛筠侶未嘗倚門地請謁足不至公卿門或乏食不肖向其兄及從子輩索一錢甘心貧約以繪事自食其力士大夫雅慕其人求畫者滿戶外必先償直後欣然命筆先是京師未有知之者大司農梁公最先賞識稱爲絕藝筠侶亦感公知己獨樂爲公畫一日厚酬以

贈帛辭不受曰崇節貧安用帛爲更易金如其常直強之乃受其
廉於取又如此 朝廷聞其名 召見中和殿筠侶偉丰儀鬢長
數尺 上命起立視良久令供奉畫苑時年六十餘矣以足疾引
退從子司空公爲築室娛老遂不出未幾以病卒畫益貴筠侶生
平不飲酒喜婦人得金卽持往狹邪立盡初私一婦其夫覺撻之
創甚婦自經一夕坐室中見婦忽至似有所語筠侶大驚憤家人
於簾間見婦裙影隨之入遂不見亦異事也筠侶初學畫於崔秀
才青蚓名子忠又字道母萊陽人流寓京師宗伯公暨萊陽諸宋
皆與厚善畫尤絕俗工天官佛子鬼怪諸變相與諸暨陳洪綬齊
名爲人清古傲岸不苟隨人遭甲申亂失生計入敗窰中自餓死

嗟乎若王與崔者殆所謂狂狷者流與以彼才技使稍就繩墨其所傳當不止此乃俱以任誕死惜哉儻生長江南好事者爲之延譽而推重之豈出倪唐諸人下今竟湮沒不傳是亦有命也夫崔生死行事不盡傳司農梁公謂余云

右傳汪懋麟撰

國朝書院集卷之三
名臣集卷之三
四

金門揖 彭嵩年 劉宏勳 劉宏遇

金門揖字晉侯湖南安鄉人少儻有奇氣康熙癸丑進士博學工詩文性沖退家居不仕而於地方利病時有所指陳當事皆信服之同邑彭嵩年字中岳七歲能文作朗山泛湖諸詩一時傳誦康熙中歲貢 廷試高等未謁選謝歸劉宏勳字小唐歲貢沈酣古學有文名學使屢聘請襄校有詩小草行世劉宏遇字陝宗戊寅拔貢才思敏捷刻燭可數千言選茶陵學正以母老不赴箸述甚富

右傳李元度撰

按彭先生著有尚書集解四書析義劉先生宏勳著有南游草吾亭蟲草劉先生宏

遇著有蔚英堂文豪心聲詩草

蔡眉人

文而俠廉而厚可謂美行矣蔡眉人能之蔡世族自有科名不絕其文卒不得見餘文學讀書外無涉事方內士也眉人生別致撐胃瞪目縱覽百家年十八補博士弟子又十年食餼文凡三變初爲趨時之文瑯樸顏素爛乎搖光偃拂之引睇也庚子後惡其淫豔更爲精果之文窮兵短荇挺刃接鬪人所尤怖甲寅以來好爲古文詞散見別作與時文爲左右廣入科未雋狎視明經學博勸勉就生平好文如飢渴聞名公先生千里接迹士有文能惟恐弗揚所長不自知向人前悉已徧交游日博名日崢嶸自搢紳儒雅咸希得眉人爲氣勢性義烈雖被服儒素不使不仁加乎其身攫

之則勢必伸然成人之美赴人之急邑有建言非眉人莫前較其
勞煩甚於在己蓋文而俠者也昔在邢州爲通守許公所致又應
當塗令藍次公幕俱尊爲客卿未嘗干以私布袍葛巾坦如也在
當塗陰多庇益令不失名已亦不望報出入關防令不禁不過與
彼都人士唱酬清賞贏得風藻白湖以北騷動江左而已以廉故
不富偏敦倫汎愛厥弟有孤弱子弗克振撫諸家與己子同學代
經其產殖族子受業知其乏口不言質衣事一邇人負笈盜擠寒
溼狼籍至分餐共食旣成其業歸贈以資後俱籍諸生族子且廩
長者意何厚也大抵世無聖賢惟俠者能無所取多所與然非眞
文人不能俠古有俠而不文鄭莊輩是也文而不俠任昉所遺五

交是也眉人眞文人少不爲寒寒行規模揮斥但所得盡以買書
田園寢落籤函富侈家置萬卷樓晏坐其上日擬一篇嘗曰我輩
須存讀書種子卽至獄詞訟牘皆從容蘊藉曲盡情理如東坡同
甫其於文何如耶方病之殷有來問所託事家人辭已從枕上大
聲應傳荀息曰死者復生生者不愧眉人知病革自以死期其意
謂生者幾時能不相見生者後死死者不愧非眞文人信道之篤
能不侵然諾若是耶有古文若干卷詩若干首箸某書若干卷付
其子曰忠厚光明無替先德文則汝知之矣生於某年月日云云
銘曰

淶水之西士也無遇精華不掩在詩文賦風流文園經綸武庫貴

交平游計以千數輕財如酬壯節界怒千秋萬祀過此封土尙知
爲蔡眉人之墓

右墓誌銘陳之駉撰

陳去華

廖志灝

羅作祈

吳伯肇

陳去華字文簡湖南攸縣人康熙甲寅韓世琦巡撫湖南招集才能召去華爲從事安集閩粵黔蜀等處苗民有力焉邑有丹陵橋大埠橋皆捐貲建成歲饑出穀千石以貸不取利不能償者焚其券吏部郎中衡山譚尚箴爲立傳時有廖志灝字湘門醴陵貢生幼孤事祖母及母以孝聞家世藏書甚富縱橫博覽宏肆浩瀚渺無涯涘嘗作天山精舍招安福吳雲講求正學期歸一見歸母沒廬墓毀瘠未終禪卒有燕日堂夢餘草文集羅作祈字以介湘潭人年十二爲諸生自經史及諸子百家無所不窺家貧授徒自給從游多掇科第去尚書彭維新爲撰傳云大湖以南羣推宿學中